



Халқ сўзи

Ўзбекистон —
Келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2025 йил 15 март, № 53 (8948)

Шанба Сайтимизга ўтиш учун QR-коднинг телефонингиз орқали сканер қилинг.



РОССИЯ БИЛАН ПАРЛАМЕНТЛАРАРО ҲАМКОРЛИК КЕНГАЙИШИ ҚўЛЛАБ-ҚУВВАТЛАНДИ

Ўзбекистон Республикаси Президенти Шавкат Мирзиёев 14 март куни Россия Федерацияси Федерал Мажлиси Давлат Думаси Раиси Вячеслав Володинни қабул қилди. Ўзбекистон билан Россия ўртасидаги кенг қамровли стратегик шериклик ва иттифоқчилик муносабатларининг долзарб масалалари кўриб чиқилди.



Учрашув аввалида юқори мартабали меҳмон давлатимиз раҳбарига Россия Федерацияси Президенти Владимир Путиннинг салом ва энг эзгу тилаklarини етказди.

Ўтган йил май ойида Россия Президентининг Ўзбекистонга давлат ташрифи чоғида эришилган келишув ва битимларнинг амалга оширилишини назорат қилиш мақсадида парламентлараро ҳамкорликни кенгайтиришга алоҳида эътибор қаратилди.

Мамлакатимиз етакчиси Парламентлараро комиссиянинг иккинчи йиғилишига пухта тайёргарлик кўриш ва уни Ўзбекистонда, икки мамлакат ҳудудларини кенг жалб этган ҳолда ўтказиш муҳимлигини таъкидлади.

Савдо-иқтисодий ва инвестициявий ҳамкорликнинг устувор лойиҳаларини, меҳнат миграцияси ва маданий-гуманитар алмашинув борасидаги қўшма дастурларни қўллаб-қувватлаш ва жадаллаштиришда парламентлар фаол иштирок этиши зарурлиги қайд этилди.

Ў.А.

Ўзбекистон Республикаси Президенти Матбуот хизмати сурати.

Ўзбекистон Республикаси Президентининг Қ А Р О Р И ИМОМ МОТУРИДИЙ ТАВАЛЛУДИНИНГ 1155 ЙИЛЛИГИНИ КЕНГ НИШОНЛАШ Тўғрисида

Буюк ватандошимиз, исломий илмлар ривожига улкан ҳисса қўшган беназир аллома, калом илмининг султони Имом Абу Мансур Мотуридийнинг (кейинги ўринларда — Имом Мотуридий) ибратли ҳаёт йўли ва бой илмий-маънавий меросини ҳар томонлама чуқур ўрганишни рағбатлантириш, мотуридийлик таълимотига хос бағрикенглик ва мўътадиллик тамойилларини халқимиз ва жаҳон жамоатчилиги ўртасида кенг тарғиб этиш, ёшларни Ватанга муҳаббат, миллий ва умуминсоний қадриятларга ҳурмат руҳида тарбиялаш мақсадида қарор қиламан:

1. Дин ишлари бўйича қўмита, Ўзбекистон мусулмонлари идораси, Самарқанд вилояти ҳокимлиги, Ўзбекистон халқаро ислом академияси, Имом Мотуридий халқаро илмий-тадқиқот марказининг 2025 йилда Имом Мотуридий таваллудининг 1155 йиллигини кенг нишонлаш тўғрисидаги таклифи маъқуллансин.

2. Имом Мотуридий таваллудининг 1155 йиллигига бағишланган тадбирларга тайёргарлик кўриш ва уларни ўтказиш бўйича ташкилий қўмита (кейинги ўринларда — Ташкилий қўмита) таркиби иловага мувофиқ тасдиқлансин.

3. Ташкилий қўмита (А. Арипов) икки ҳафта муддатда Имом Мотуридий таваллудининг 1155 йиллигини алломанинг ислом оламидаги обрў-эътибори ва нуфузига муносиб тарзда юқори савияда нишонлаш бўйича кўйидагиларни назарда тутадиган чора-тадбирлар дастурини тасдиқласин:

а) 2025 йил апрель ойида Самарқанд шаҳрида “Мотуридийлик — бағрикенглик, мўътадиллик ва маърифат таълимоти” мавзусида халқаро илмий-амалий анжуман ўтказиш; б) хорижий тадқиқотчилар ўртасида мотуридийлик таълимоти бўйича илмий танлов ўтказиш, ғолиблар иштирокида Ўзбекистонда маданий-маърифий учрашув ва семинар-тренинглар ташкил этиш;

в) Имом Мотуридийнинг “Таъвилот ал-Қуръон” ва “Китоб ат-тавҳид” асарлари ва мотуридийлик таълимотида оид манбаларнинг ўзбек ва хорижий тиллардаги илмий-изоҳли академик таржималарини нашр этиш;

г) Имом Мотуридий таваллудининг 1155 йиллигига бағишланган эсдалик сувенирларини муомалага чиқариш ҳамда почта маркалари, тақвимлар, буюк мутафаккирни ҳаёти ва илмий меросини ёритиб берадиган бошқа кўргазмаларни ахборот воситалари туркумини яратиш;

д) Имом Мотуридийнинг серкирра ҳаёт йўли ва илмий меросининг бугунги кундаги аҳамиятини очиб берадиган бадиий-публицистик фильм яратиш;

е) Самарқанд вилоятида Имом Мотуридий ва мотуридийлик таълимоти йўналишида фаолият олиб борган алломаларнинг ҳаёти, илмий ва ижодий меросига бағишланган асарларнинг нодир қўлёзма ва нашр нусхалари ҳамда китоблари кўргазмасини ташкил этиш;

ж) Самарқанд шаҳридаги Абу Мансур Мотуридий мажмуасини қайта тазмирлаш ва ободонлаштириш.

4. Олий таълим, фан ва инновациялар вазирлиги: а) Дин ишлари бўйича қўмита билан биргаликда 2025 йил май ва октябр ойларида Шароф Рашидов номидаги Самарқанд давлат университетида Олий таълим муассасаларини ривожлантириш жамғармаси маблағлари ҳисобидан “Мотуридийлик таълимоти ва ҳозирги замон” мавзусида республика илмий-амалий конференциясини ҳамда илмий мақолалар танловини ўтказсин;

б) мотуридийлик таълимотига мансуб алломаларнинг илмий мероси ва ноёб қўлёзма асарларни ўрганиш бўйича Илм-фанни молиялаштириш ва инновацияларни қўллаб-қувватлаш жамғармаси маблағлари ҳисобидан амалга ошириладиган илмий тадқиқот ишларига давлат буюртмасини белгиланган тартибда шакллантириб боссин.

5. Ўзбекистон мусулмонлари идорасига имом-хатиблар ҳамда диний таълим муассасалари талабалари ўртасида “Мотуридийлик таълимоти билимдонини” танловини ўтказиш ва ғолибларни муносиб тақдирлаш тавсия этилсин.

6. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари Дин ишлари бўйича қўмита, Республика Маънавият ва маърифат маркази, Ёшлар ишлари агентлиги, Ўзбекистон Ёзувчилар уюмчаси билан биргаликда 2025 йил давомига жойларда Имом Мотуридийнинг илмий меросига бағишланган давра суҳбатларини ташкил этсин.

7. Имом Мотуридий халқаро илмий-тадқиқот маркази Маданий мерос агентлиги билан биргаликда:

а) хорижий мамлакатларда сақланаётган Имом Мотуридий ва мотуридийлик таълимотига мансуб алломаларнинг ҳаёти ва илмий меросига оид ноёб қўлёзма асарлар ва бошқа маданий бойликлари аниқлаш, уларнинг нусхаларини Ўзбекистонга олиб келиш ва тадқиқ қилишни тизимли равишда ташкил этсин;

б) Имом Мотуридийнинг ҳаёти ва илмий фаолиятига бағишланган юқори сифатли медиамаҳсулотлар ҳамда аудиовизуал асарлар яратиш, уларни маҳаллий ва хорижий оммавий ахборот воситаларида эълон қилиш, интернет тармоғи ва ижтимоий тармоқларда кенг тарғиб қилиш чораларини кўрсин.

8. Ўзбекистон Миллий ахборот агентлиги, Ўзбекистон Миллий телерадиокомпанияси, “Дунё” ахборот агентлиги ва Ўзбекистон миллий медиа ассоциациясига Имом Мотуридий таваллудининг 1155 йиллигини нишонлаш билан боғлиқ тадбирларни кенг ёритиб бориш тавсия этилсин.

9. Мазкур қарорнинг ижросини назорат қилиш Ўзбекистон Республикаси Бош вазирини А.Н.Арипов ҳамда Ўзбекистон Республикаси Президентининг маслаҳатчиси Р.Қ.Давлетов зиммасига юклансин.

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2025 йил 14 март

Ўзбекистон — Россия: Ўзаро МУНОСАБАТЛАРДА ЯНГИ ҚАДАМ

Кеча Олий Мажлис Сенатида Россия Федерал Мажлиси Давлат Думаси Раиси Вячеслав Володин бошчилигидаги делегация аъзолари билан учрашув бўлиб ўтди.

Мулоқот

Учрашув аввалида Сенат Раиси Танзила Норбоева мартабали меҳмонни юртимизга ташрифи билан қутлаб, унинг бу ташрифи парламентлараро муносабатларни янги руҳда давом эттиришдаги муҳим қадам эканини таъкидлади.

“Икки давлат ўртасида олий даражада эришилган келишувларни ҳаётга татбиқ этиш учун қонуний асосларни яратиш парламентлар олдидagi асосий вазифалардан биридир. Ушбу учрашув халқларимиз манфаатларидан келиб чиқадиган мақсадларни амалга ошириш йўлидаги фаол мулоқотлар учун қўлай фурсатдир”, дейилди суҳбатда.

Бугунги кунда Ўзбекистон — Россия муносабатлари янги босқич — кўп қиррали стратегик иттифоқчилик ва ишончли ҳамкорлик даражасига кўтарилди. Бунда икки мамлакат президентлари белгилаб берган истиқболли вазифалар ва уларнинг ижроси муҳим ўрин эгаллайди.

Мулоқот чоғида миграция масаласида долзарб вазифалар мавжудлиги ва бу жараёнда икки давлат фуқароларининг ҳуқуқ ҳамда манфаатларини ҳимоя қилишнинг қонуний ечимларини ҳамкорликда топish муҳимлиги айтилди.

Шу билан бирга, Ўзбекистон — Россия парламентлари алоқаларининг бугунги ҳолати таҳлил қилиниб, икки давлат муносабатларида парламентлараро яқин ҳамкорлик муҳим аҳамият касб этиши таъкидлаб ўтилди.

Бу борада Олий Мажлис Сенати ва Россия Федерацияси Федерал Мажлиси Федерация Кенгаши ўртасида қўшма комиссия фаолият юритиб келаётгани, икки давлат парламентларининг юқори палаталари раҳбарлари мунтазам равишда ўтказаятган учрашувлар ишончли ҳамкорлик муҳитида ўз самарасини бераётгани эътироф этилди.

Ўз навбатида, мартабали меҳмон самимий қабул учун миннатдорлик билдирди.

— Биз Ўзбекистонни Россиянинг 10 та ишончли ҳамкоридан бири, деб ҳисоблаймиз. Мамлакатларимиз ўртасида қарор тоғлан мустақам дўстлик ва ишончли шериклик сиёсатини қўллаб-қувватлаймиз, парламентларимизнинг ички ва самарали фаолиятдан манфаатдоримиз ҳамда ҳамкорлигимизни юқори суръатларда давом эттириш тарафдоримиз, — деди В. Володин.

Шунингдек, суҳбат давомида истиқболда ўзаро муносабатларни янада мустақамлаш, эришилган келишувларни амалга ошириш механизмлари устидан назорат, қонунийлик соҳасида тажриба алмашиш ва Ёшлар парламенти алоқаларини фаоллаштириш юзасидан фикр юритилди.

Ўзбекистон томони Россия парламенти раҳбарияти ва вакилларининг яқинда Тошкентда ўтказиладиган Парламентлараро Иттифоқнинг 150-юбилей ассамблеяси тадбирларида фаол иштирокини мамнуният билан қабул қилишини билдирди.

«Халқ сўзи».

МАЪРИФИЙ ДИПЛОМАТИЯ

Ўзбекистон Республикаси Президенти Шавкат Мирзиёевнинг давлат раҳбарларига китоб совға қилиши замирида мужассамлашган маънавий жасорат ҳақида

Президентимиз Шавкат Мирзиёевнинг Франция Республикаси Президенти Эммануэль Макрон таклифига биноан ушбу мамлакатга амалга оширган давлат ташрифи чоғида бўлиб ўтган дўстона мулоқотлар, Ўзбекистон раҳбарига кўрсатилган алоҳида эътибор ва самимий муносабат мени жуда қувонтирди. Бу бутун дунёда, айниқса, Европада Ўзбекистонга бўлган қарашлар тобора ижобий маъно касб этаётганлигини англатади. Давлатимиз раҳбари Франция Республикасининг олий мукофоти — Фахрий легион ордени билан тақдирлангани ҳам фикримизнинг яққол далилидир.

Нигоҳ

Мазкур давлат ташрифи билан боғлиқ маълумотларни ўқиш давомида Ўзбекистон Президентининг Матбуот котиби Шерзод Асадовнинг телеграм каналида берилган мана бу хабар эътиборини тортиди: “Елисей саройидаги олий даражадаги учрашув чоғида Президент Шавкат Мирзиёев Президент Эммануэль Макронга буюк француз ёзувчиси Виктор Гюгоннинг ўзбек тилига таржима қилинган “Қулаётган одам” романининг илк нусхасини совға қилди...”.

Президентимиз 2020 йил Анкара шаҳрида Туркия Республикаси Президенти ҳузуридаги Халқ кутубхонасининг очилиш маросимида сўзлаган нутқида шундай деган эди: “Дунёдаги ҳар қайси давлат, ҳар қайси халқ биринчи навбатда ўзининг интеллектуал салоҳияти, юксак маънавияти билан қудратлидир. Бундай енгилмас куч манбаи эса аввало инсоният тафаккурининг буюк кашфиёти — китоб ва кутубхоналарда”.

Шавкат Мирзиёев Туркиядаги мазкур кутубхонага дунёда ўта ноёб бўлган “Усмон Мушаффи”нинг хаттотларимиз томонидан кўчирилган нусхасини, Жалолиддин Румийнинг машҳур “Маснавий” асари ҳамда Абу Бакр ар-Розийнинг “Касалликлар тарихи” асари қўлёзмаларининг факсимиле нусхаларини, “Алишер Навоий асарларининг Истанбул кутубхоналаридаги тасвирий нусхалари” номли китоб-альбомни, Юнус Эмро шеърларининг ўзбек тилига таржимаси жамланган “Ўлмас кўнгул” деб номланган китобларни тухфа қилган эди.

бошқа восита йўқ, деб ўйлайман. Китоблар халқлар ҳақида, маданиятлар тўғрисида энг кўп маълумот берадиган манбадир. Мазкур китоблар мамлакат раҳбарларига совға қилинар экан, бу билан Президентимиз бизнинг халқимиз сизларнинг адабиётингизни севиб ўқийди ва қадрлайди, деган туйғуни ҳам ифода этади.

2016 йилдан бошлаб, Ўзбекистонда жаҳон мамлакатлари лидерларининг китобларини нашр этиш аънаси яратилди. Бунинг натижасида Хитой Халқ Республикаси Раиси Си Цзиньпиннинг “Қашшоқликдан халос бўлиш”, Сингапур Бош вазири лавозимида фаолият кўрсатган Ли Куан Юнинг “Учинчи дунёдан биринчи дунёга” номли китоблари ўзбек тилида чоп қилинди. Бу жараёнлар, яъни маърифий дипломатия изчил давом эттирилмоқда.

Маърифий дипломатия натижасида Корея Республикасида “Ўзбекистон Республикаси Президенти Шавкат Мирзиёев”, Озарбайжонда “Шавкат Мирзиёев феномени”, Хитойда “Президент Шавкат Мирзиёев Ўзбекистондаги ислохотлар даврининг эътибори” номли китоблар нашр этилди ва халқаро микёсда тақдимотлари ўтказилди.

Нафақат гўзаллик, эзгулик, яхшилик ва маърифат, балки китоблар ҳам дунёни кутқаради. Инсониятга руҳий соқинлик, хотиржамлик бағишлайди. Инсоният интернет ва замонавий технологияларни инкор этмаган ҳолда китобга қайтиши керак.

Франция Президенти Эммануэль Макрон Шавкат Мирзиёевга XIX аср охирида француз фотографи томонидан суратга олинган Жиззах воҳасидаги “Темир қопқа” дараси манзараси акс этган тарихий расмини совға қилди. Ўзбекистон раҳбари томонидан асос солинган маърифий дипломатия бутун дунёда акс садо бермоқда...

Рустам ХОЛМУРОДОВ,
Самарқанд давлат университети ректори, Ўзбекистон Республикаси фан арбоби, Олий Мажлис Сенати аъзоси.

